

PHATLATSO YA MORALO WA TLALEHO WA OFISI YA MONAMODI WA TSA LEKGETHO E MABAPI LE HO KWETELWA HA PROFAELE YA E-FILING HORE SETJHABA SE NTSHE MAIKUTLO A SONA

Tshwane, 1 Mphalane 2025 – Ditshebeletso tsa Lekgetho tsa Afrika Borwa (SARS) di ananela phatlalatso ya moralo wa tlaleho ya Ofisi ya Monamodi wa tsa Lekgetho (OTO), hore setjhaba se ntshe maikutlo a sona mabapi le dinyewe tse mabapi le ho kwetelwa ha diprofaele tsa eFiling.

Le ha SARS e hlokomela dikgothaletso tsa OTO, mokgatlo ona o lakatsa ho nnetefaletsa balefalekgetho hore bongata ba tsena e bile tse bohareng ba lenaneo la ho fetohela mokgweng wa sejwalejwale e leng se ntse se etsahala dilemo le dilemo. SARS e ntse e lomahantse meno ho ntlafatsa dikarolo tse hlokolosi tse boletsweng. Tsona di akga kahare ho ntlafatswa ha mehato ya nnetefatso; ho ntlafatsa bofokisi ba boqhekanyetsi; ntlafatso ya mekgwatshebetso ya nnetefatso ya dipusetso; le ho ntlafatsa tshebedisano le dibanka, Khomeshene ya Dikhampani le Leruo la Boinahanelo (CIPC), mmoho le Ditshebeletso tsa Sepolesa sa Afrika Borwa (SAPS).

SARS e kgolwa hore OTO e kgatha tema ya bohlokwa lepatlelong la tsa lekgetho le ho sireletsweng le ho phahamisweng ha mekgwatshebetso wa lekgetho le wa ditjhelete bakeng sa naha. Ho phahamiswa ha tshebedisano pakeng tsa ditheo tsena tsa bohlokwa, SARS le OTO, ho bohlokwa molemong wa tshebetso ya mekgwatshebetso wa lekgetho. Mabapi le sena, SARS e tla fana ka maikutlo a yona mabapi le moralo ona wa tlaleho jwalo ka mekga yohle e meng e nang le thahasello. Hodima moo, SARS e kgolwa hore seabo sa yona se ahang se tla thusa ho tswellisa pele le ho tebisa tshepo ya balefalekgetho bohle hodima dikanale tsa yona tsa elektronike hore di sireletsehile le hore di ka sebediswa ho buisana le mokgatlo.

SARS e ananela hore bonokwane ba saeba ke ntho e dulang e fetofetoha mme ke se ka bakang kotsi ha nako e ntse e tsamaya, sena se hloka hore ho be le botsetedi bo tswellang ho tse mabapi le ho fetolela mekgwatshebetso wa lekegetho ho ba wa sejwalejwale ho latela ka moo o hlahellang kateng ha jwale ka hara leano la yona la mawala la dilemo tse 5. Bongata ba dikgothaletso tse tlalehong ya OTO di se ntse di qadile mme di tla lekolwa botjha ho ya ho ile le ho ntlafatswa ha boemo bo ntse bo fetoha. Tsena tsohle di etswa ho ntlafatsa tshireletso ya rona, mme sena se bakilwe ke ho kgathatseha ha rona ke mofuta wa bonokwane ba saeba bo dulang bo fetofetoha. Jwalo ka mokgatlo o sebetsang tlasa tikoloho ya thekenoloji e fetofetohang ka potlako, SARS e dula e lekola botjha mawala a tse ka bakang kotsi hore e tle e tsebe ho emelana le diphetoho tsena le ho dula e ithomme pele. SARS e tla arolelana boithuto bona le OTO.

SARS e kgolwa hore profaele e le nngwe e kwetetsweng e tshwana feela le ha tse ngata di kwetetswe. Bakgathatema bohle ba tlameha ho ba le seabo ho thibela dinokwane ho fihlella lesedi la balefalekgetho. Ho bohlokwa ho phetha taba ya hore balefalekgetho ba tlameha ho boloka lesedi la bona le sireletsehile le hore ba se le

nehe batho ba se nang tumello ya lona. Balefalekgetho ba tlameha ho sebedisa dikanale tse sireletsehileng ho fihlella ditshebeletso tsa elektronike tse kang eFiling. SARS e keke ya kopa balefalekgetho ho tobetsa kgokanyo efe kapa efe ho fihlella ditshebeletso tsa yona.

Ho fumana lesedi le fetang lena, ka kopo ikopanye le SARSMedia@sars.gov.za.

KE PHETHO